



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-206-4/26**

Datum: **20.05.2026. godine**

„Agencija za vodno područje rijeke Save“ Sarajevo rješavajući po zahtjevu „Agencije za vodno područje rijeke Save“ Sarajevo, podnesenom putem „Sektora za realizaciju projekata“, za donošenje rješenja o vodnoj saglasnosti za uređenje korita rijeke Tinje u urbanom dijelu grada Srebrenika u dužini od cca 1600m, na osnovu člana 109. stav (1) tačka 8. i 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) donosi

R J E Š E N J E **o vodnoj saglasnosti**

1. „Agenciji za vodno područje rijeke Save“ Sarajevo daje se vodna saglasnost za uređenje korita rijeke Tinje u urbanom dijelu grada Srebrenika u dužini od cca 1600 m, a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije:
 - *Glavni projekat: „Izrada pragova u koritu rijeke Tinje u cilju poboljšanja vodosnabdijevanja grada Srebrenika“, urađen od strane „HIGRACON“ d.o.o. Sarajevo, oktobar 2024. godine.*Ova vodna saglasnost može se koristiti isključivo u postupku pribavljanja odobrenja za građenje, a u skladu sa Zakonom o prostornom uređenju i građenju Tuzlanskog kantona.
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na uređenju korita rijeke Tinje u urbanom dijelu grada Srebrenika u dužini od cca 1600m u cilju poboljšanja uslova tečenja i sprječavanja štetnog djelovanja voda izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
 - 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova na predmetnom lokalitetu u urbanoj zoni grada Srebrenik neophodno je radni pojas koji uključuje korito, inundacioni pojas i obalu rijeke Tinje urediti i očistiti od gradilišnog i drugog otpada.
- 3.11. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 08-19-1-639/26 izdatog dana 26.03.2026. godine koje je izdala Služba za prostorno uređenje i zaštitu okolice Grada Srebrenika.
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se izvoditi radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju korita rijeke Tinje u urbanom dijelu grada Srebrenika u dužini od cca 1600m ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obale rijeke Tinje ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje sportskih ribolovaca „Zeba“ Srebrenik, koje je korisnik ribolovnog prava na ovom ribolovnom području, o početku izvođenja radova u koritu rijeke Tinje na predmetnoj lokaciji u urbanom dijelu grada Srebrenika.
8. Ukoliko se prilikom izvođenja zemljanih radova pojavi višak materijala iz iskopa, a koji ne bude iskorišten za predmetne radove na uređenju obale rijeke Tinje na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama grada Srebrenika riješi imovinsko pravne odnose na lokalitetima izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i ne budu započeti radovi na uređenju/čišćenju korita rijeke Tinje u skladu sa tehničkom dokumentacijom iz tačke 1. dispozitiva ovog rješenja.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) Zakona o vodama, a zainteresirane stranke podnesu argumentiran zahtjev za izmjenу ovog vodnog akta.

O b r a z l o ž e n j e

Investitor, „Agencija za vodno područje rijeke Save“ Sarajevo, putem „Sektora za realizaciju projekata“ Agencije, je podnio zahtjev za izdavanje vodne saglasnosti za aktivnosti na uređenju korita rijeke Tinje u urbanom dijelu grada Srebrenika u dužini od cca 1600m, a u cilju poboljšanja uslova tečenja i sprječavanja šetnog djelovanja voda na osnovu tehničke dokumentacije: Glavni projekat: „Izrada pragova u koritu rijeke Tinje u cilju poboljšanja vodosnabdijevanja grada Srebrenika“, urađen od strane „HIGRACON“ d.o.o. Sarajevo, oktobar 2024. godine, a u postupku izdavanja odobrenja za građenje. U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Rješenja o izmjenama podataka broj: 065-0-RegZ-25-003258 izdatog dana 13.08.2025. godine od strane Općinskog suda u Sarajevu,
- Kopija Uvjerjenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija Obavještenja o razvrstavanju pravnog lica broj: 07-32.5-45391/12 izdatog dana 11.12.2012. godine od strane Federalnog zavoda za statistiku – Služba za statistiku za područje Kantona Sarajevo,
- Kopija Rješenja o prethodnoj vodnoj saglasnosti broj: UP-1/21-1-40-014-4/26 izdatog 09.02.2026. godine od strane Agencije za vodno područje rijeke Save Sarajevo
- Rješenje o urbanističkoj saglasnosti broj: 08-19-1-639/26 izdato dana 26.03.2026. godine od strane Službe za prostorno uređenje i zaštitu okolice grada Srebrenika,
- Kopija Saglasnosti za uređenje korita rijeke Tinje izdata 27.04.2026. godine od strane Udruženja sportskih ribolovaca „Zeba“ – Srebrenik,
- Izjava o riješenim imovinsko – pravnim odnosima u vezi sa projektom uređenja korita rijeke Tinje u urbanom dijelu grada Srebrenika u dužini od cca 1600m broj: 07-45-2176/26 izdata dana 12.05.2026. godine od strane gradonačelnika Grada Srebrenika,
- Glavni projekat: „Izrada pragova u koritu rijeke Tinje u cilju poboljšanja vodosnabdijevanja grada Srebrenika“, urađen od strane „HIGRACON“ d.o.o. Sarajevo, oktobar 2024. godine.

U provedenom dokaznom postupku koji je prethodio donošenju ovog rješenja utvrđeno je sljedeće: Za potrebe izvođenja radova na uređenju korita rijeke Tinje u urbanom dijelu grada Srebrenika u dužini od cca 1600m, izrađena je projektna dokumentacija: *Glavni projekat „Izrada pragova u koritu rijeke Tinje u cilju poboljšanja vodosnabdijevanja grada Srebrenika“, urađen od strane „HIGRACON“ d.o.o. Sarajevo, oktobar 2024. godine.*

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-014-4/26 donesenom dana 09.02.2026. godine od strane ove Agencije, a za aktivnost na uređenju korita rijeke Tinje u urbanom dijelu grada Srebrenika u dužini od cca 1600m u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

Urbanističke uslove za uređenje korita rijeke Tinje u urbanom dijelu grada Srebrenika u dužini od cca 1600m, podnosiocu zahtjeva je kroz Rješenje o urbanističkoj saglasnosti izdala Služba za prostorno uređenje i zaštitu okolice grada Srebrenika. Podnosilac zahtjeva je dostavio Izjavu u kojoj se tvrdi da su riješeni imovinsko – pravni odnosi na predmetnoj dionici.

U tehničkoj dokumentaciji su priloženi opisi i nacrti uobičajeni za ovaj nivo dokumentacije - situativni prikazi projektnog rješenja Mj. 1:25000, 1:2500, 1:1000; uzdužni profili Mj. 1:100/1000; normalni profil Mj. 1:100; poprečni profili u mjerilu Mj. 1:100.

Aktivnosti na uređenju korita rijeke Tinje u urbanom dijelu grada Srebrenika u dužini od cca 1600m, podrazumijevaju radove na uređenju obala u skladu sa usvojenim varijantama normalnog profila. Nagib kosina nasipa je 1:2. Planirano uređenje lijeve obale odgovara nivou stogodišnje vode + nadvišenje. Oblaganje kosina korita rijeke predviđeno je kamenom u betonu, d=35cm. Uređenjem korita rijeke Tinje u urbanom dijelu grada Srebrenika u dužini od cca 1600m obezbjeđuje se proticajni profil, stabilizacija obala i sprječava se štetno djelovanje voda, a sve u cilju smanjenja nastanka šteta od poplava i zaštite lokalnog stanovništva i njihove imovine.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 8. i 14., u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), riješeno je kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:
Munir Trako, dipl.ing.građ.

Prilog:

- Ovjerena projektna dokumentacija: Glavni projekat „Izrada pragova u koritu rijeke Tinje u cilju poboljšanja vodosnabdijevanja grada Srebrenika“, urađen od strane „HIGRACON“ d.o.o. Sarajevo, oktobar 2024. godine.

Po ovlaštenju
Rukovodilac sektora za izdavanje vodnih akata



Mirhad Pezo, dipl.inž.građ.

Dostaviti:

- „Agencija za vodno područje rijeke Save“, Sektor 30 (Prilog)
- AVP Sava, ISV - vodna knjiga
- Sektor 40 – arhiva
- Oglasna ploča AVP Sava